

ԴԱՐՁՎԱԾՆԵՐԻ ԿԱՌՈՒՑՎԱԾՔԱՅԻՆ ՏԻՊԵՐԸ ՀՈՎՀ. ԹՈՒՄԱՆՅԱՆԻ
ՍՏԵՂԾԱԳՈՐԾՈՒԹՅՈՒՆՆԵՐՈՒՄ

Ն. Հ. ՕՀԱՆՅԱՆ

Հովհ. Թումանյանը մեծապես օգտվել է համաժողովրդական լեզվի դարձվածների անսպառ հարստություններից: Նա առանձնահատուկ վերաբերմունք ուներ դարձվածների հանդեպ, որոնք խոսքն օժտում են պատկերավորությամբ, արտահայտչականությամբ ու ժողովրդայնությամբ:

Առանձնակի հետաքրքրություն է ներկայացնում դարձվածների կառուցվածքային տիպերի ուսումնասիրությունը:

Ըստ խոսքի մասային պատկանելության, դարձվածները բաժանվում են շարք խմբի՝ անվանական, բայական, մակբայական և եղանակավորող: Անվանական դարձվածներն էլ իրենց հերթին խմբավորվում են գոյականականի և ածականականի:

Գոյականական դարձվածի գերադաս անդամը անպայման գոյական է՝ լրացված մեկ կամ մի քանի լրացուցիչ: Ըստ բաղադրիչների՝ հաշվարկյալ, եղանակի, գոյականական դարձվածները բաժանվում են երեք խմբի՝ համադասական, ստորադասական և համաստորադասական¹:

Ստորադասական կապակցություններով անվանական դարձվածները այնպիսի կառույցներ են, որոնց բաղադրիչները խրաք նկատմամբ գտնվում են լրացում-լրացյալ հարաբերության մեջ:

Անվանական դարձվածները խոսքի մեջ կատարում են շարահյուսական այն պաշտոնները, ինչ որ գոյականները և ածականները:

Համադասական գոյականական դարձվածների բաղադրիչները կարող են կապակցվել ու շաղկապվել կամ առանց դրան՝ գծիկով: Օր.²

Բաց արին մեջտեղն արձակ գլխատան,
Ջուռնաչին փըչեց կոխի եղանակ,
Ահեկ ու ջահեկ իրարով անցան³:

— Ընչի՞ չես խոսում, ընչի՞ չես նայում,
Իմ օր ու արև, կյանք ու ջան որդի,
Դու իմ գերեզմանն ընչի՞ ես խըլում,
Թըշնամի՞ որդի, դավաճա՞ն որդի... (հ. 2, էջ 62):

Հետևյալ օրինակում դարձվածների բաղադրիչների միջև գոյություն ունի ստորադասական, այսինքն՝ լրացում-լրացյալի հարաբերություն:

— Դու գնա, պա՛պի, միամիտ քընիր,
Նս աչքի լուսը կըհանեմ գողի... (հ. 2, էջ 38):

Պետք է նշել նաև, որ գոյականական դարձվածի բաղադրիչ հանդիսացող գոյականը մեծ մասամբ հոլովման հարացուցային ձևեր չի ունենում, այն կարող է հանդես գալ որոշակիորեն կա՛մ եզակի և կա՛մ հոգնակի թվով: Շատ քիչ են այն դարձվածները, որոնց գերադաս գոյական անդամը կարող է դրվել միաթամանակ և՛ եզակի, և՛ հոգնակի թվով: Նրբեմն թվի քերականական կարգը կարող է իմաստազատիչ դեր կատարել: Այսպես՝ եզակի բա-

¹ Խ. Բ ա դ ի կ յ ա ն, Ժամանակակից հայերենի դարձվածային միավորները, Երևան, 1966 էջ 52:

² Հ. Թ ու մ ա ն յ ա ն, Երկերի լիակատար ժողովածու, հ. 2, Երևան, 1951, էջ 58 (հետագա օրինակներում հատորը և էջը կնշվեն բնագրին կից):

ղաղբիչով գերադաս գոյականը հոգնակի թվով գործածվելիս կարող է կորցնել իր դարձվածային իմաստը և վերածվել սովորական կապակցության: Նույն երևույթը կարող է լինել, երբ որոշակի հոլովով կիրառվող գոյականը գործածվում է մեկ այլ հոլովով, ուր բնորոշ չէ տվյալ դարձվածի համար, այն վերածվում է սովորական կապակցության: Կան դարձվածներ էլ, որոնք կարող են գործածվել միաժամանակ և՛ եզակի, և՛ հոգնակի թվերով: Բերենք մի քանի բնագրային օրինակ, ուր գերադաս անդամը՝ գոյականը, կապակցվում է ածականի, թվականի, դերբայի, կապերի և կապական բառերի հետ:

Գոյական + ածական

Բարով տեսանք, հազար բարի,
Հազար բարում դուք կենաք,
Տուններդ շեն, սիրտներդ լեն
Միշտ էլ ղոնախ ոմենաք (հ. 1, Երևան, 1951, էջ 514):

Ածական + գոյական

էն սև օրը, որ մենք տեսանք,
Քո թշնամին թող չըտեսնի... (հ. 1, էջ 345):

Գոյական + գոյական

— Դուրս գրենա, կորի՛, ա՛յ լիրբ, անըզգամ,
Ե՛կ ու սուգ լինի թագ ու պսակըդ (հ. 2, էջ 64):

Թվական + գոյական

Սասմա սարերից շա՛տ ու ջատ հեռու
Թընդում էր նըրա հըռչակն ահարկու,
Խոսվում էր իր փառքն, արարքն անվեհեր,
Հագաւ բերան էր—մի Առյուծ-Մհեր (հ. 2, էջ 103):

Բերված օրինակում օգտագործված է դոյական + քանակական թվական կառույցը: Այսպիսի կառուցվածքներում կարող են գործածվել նաև դասական թվականներ:

Դերբայ + գոյական

Այսպիսի կառույցներում հիմնականում գործածվում են ենթակայական և հարակատար դերբայները: Սրանցում առկա է որոշիչ-որոշյալի կապակցությունը, և դերբայը սովորաբար դրվում է նախադաս: Ավելի լայն տարածում ունեն գոյականով և հարակատար դերբայով կառույցները. հարակատարը ավելի է օժտված հատկանիշ արտահայտելու առանձնահատկությամբ:

Աղջի, քու յարն եկավ, անցավ,
Վառված, տարված քու սիրով,
Էրված ջիգյաւը՝ եկավ անցավ
Չհովացավ պաղ ջրով... (հ. 2, էջ 51):

Հանդիպում են նաև գոյական + կապ կամ կապական բառ տիպի կառույցներ, ինչպես՝

— Գըլխիս վըրա, ասավ, իմ տեր,
Գընամ հիմի քանդեմ Սասուն (հ. 2, էջ 114):
Աչքիս վրա, քեռի Քուլի,
Մի գդակ ա, հո մի քուրք չի (հ. 1, էջ 265):

Անվանական դարձվածների մյուս խումբը ածականական դարձվածներն են: Սրանք խոսքի մեջ կատարում են այն շարահյուսական պաշտոնները, ինչ որ ածականները: Դրանք վերաիմաստավորված կերպով բնութագրում են այն առարկան կամ անձը, որի վրա դրվում են, հիմնականում որոշում նրա որակական հատկանիշը: Իբրև առանձնահատկություն, նշենք, որ պար-

տառերը չէ ածականական դարձվածի գերադաս սինդամի ածական լինելը, այն կարող է կազմվել նաև առանց ածականի, երկու գոյականների, գոյականի և ածականի, գոյականի ու դերբայի կապակցությամբ կամ համադրությամբ:

Ածական + գոյական

Ամհն մինը մի մոր որդի,
Ամհն մինը մի տան ճըրագ,
Որը կինն է թողել էնտեղ
Սըբը համոհն, խեղճ ու կրակ (հ. 2, էջ 126):

Ածական + գոյական + ածական

Լևոն է՝ իբրև դյուղացի մի մարդ,
Աղբատ, օրական ռեպուստի կաթոտ (հ. 1, էջ 319):

Ածականական դարձվածներ կարող են կազմվել երկու ածականների համադրությամբ, որոնք համադասական կապակցություններ են՝ իրար միացած ու շաղկապով կամ էլ գծիկով:

Ափսո՛ս, Անո՛ւշ, սարի ծաղիկ,
Ափսո՛ս իզիթ քու յարին.
Ափսո՛ս բոյիդ քելիկ-մելիկ,
Ափսո՛ս էդ-ծով աչքերին... (հ. 2, էջ 45):

Գոյական + ածական

Ծն որբ աղջիկ եմ եղբայրներ ունիմ,
Նըրանք էլ աղբատ, ձեռները պակաս,
Չեն կարող էսքան հարկ տան արաբին (հ. 2, էջ 252):

Գոյական + գոյական

Եկած կը լինի, որ խաբար տանի,
Թե խելքը գլխին դեռ քանի գլուղ կա,
Ով յուր դռանը անասուն ունի,
Կամ որի կնդա աչքերում յուղ կա (հ. 2, էջ 34):

Դոյական + դերբայ

Այս էառույցում հիմնականում հանդես է գալիս հարակատար դերբայը, այն էլ միշտ հետադաս:

Կար զորքի մեջ մի ալեոր,
Աշխարհի անսած ու բանագետ,
— Տըղերք ասավ, ճամփա տըվեք,
Գընամ խոսեմ ես Դավթի հետ (հ. 2, էջ 125):

Գոյական + բովական

Երկյուղ շունեմ, ահ շունեմ ես
Գողից, չարից, չար փորձանքից,
Աշխարհի մին՝ ահա էսպես
Շաղ եմ տալիս իմ բարձունքից (հ. 1, էջ 192):

Ածականական դարձվածները հանդես են գալիս գրեթե շարահյուսական նույն պաշտոններով, ինչ որ ածականները: Կախող են լինել որոշիչ, ձևի պարագա, ստորոգելի և այլն:

Բայական դարձվածները անվանականների համեմատությամբ շատ են, և բայերի քերականական կարգերի հարատվության և կառուցվածքային տեսակների բազմազանության շնորհիվ քանակապես գերակշռում են: Մեծ է

նաև լայն կապակցելիությունը: Բայը կարող է կապակցվել բոլոր խոսքի մասերի հետ, ստեղծելով բազմապիսի դարձվածներ: Բայական դարձվածներին առատությունը պայմանավորվում է նաև նրանով, որ հայերենը չափազանց հարուստ է հարադիր բայերով, որոնք դարձվածի ստեղծման աղբյուր են: Բայական դարձվածներում կառույցի դերադաս անդամը բայն է: Բայական դարձվածները կա իրար նկատմամբ ունեցած շարահյուսական կախվածության տեսակետից բաժանվում են 3 խմբի՝ համադասական, ստորադասական և համադասական հարադիր բայերի և դարձվածային հարադիր բայերի տարբերակիչ հատկանիշ է համարում այն, որ վերջիններս հոգ չեն ստանում: Այլ. Մարդարյանը գտնում է, որ բազմաթիվ դարձվածային հարադիր բայեր առաջ են եկել բառերի սովորական շարահյուսական կապակցություններից՝ դրանց շարահյուսական կապի մթաճման և ընդհանուր նշանակություն ստանալու ճանապարհով⁸: Նա նշում է. «Դարձվածային են կոչվում այն հարադիր բայերը, որոնց հարադիրն ու բայական բաղադրիչը միասին առանձնահատուկ նշանակություն են արտահայտում և հանդես են գալիս որպես մտքի արտահայտման պատկերավոր ձևեր»⁹:

Բայական դարձվածները կարող են ունենալ հետևյալ կառույցները՝

1. Գոյական + բայ

Բայց փաշան նրան էլ ականջ չառավ,
Ջարկեց ու կտրեց գլուխը ճերմակ (հ. 2, էջ 247):

Երեք թագավոր, ասում են, իբրև,
Խելքս չի կտրում, որ էսպես լինի,
Խորհուրդ են արել, որ այսուհետև
Իր թախտից զրրկվի, ով կռիվ անի (հ. 2, էջ 37):

Գոյական + բայ կառույցներում գոյականը կարող է հանդես գալ ինչպես հոգակի, այնպես էլ հոգնակի թվերով, հոլովման տարբեր հարացույցներով, ստանալ հոգ և այլն: Բայը հանդես է գալիս եղանակաժամանակային տարբեր ձևերով:

2. Թումանյանի երկերում հանդիպում են նաև հարադրական բայերով և գոյականով կազմված դարձվածների բազմաթիվ օրինակներ, որոնք խոսում են հարադրական բայերի դարձվածներ կազմելու մեծագույն հնարավորությունների մասին:

— Մո՛սի ջան, Մո՛սի, գըլխավըդ շուտ գամ,
Ինձ մի՛ ըսպանիր, ինձ թող էս անգամ (հ. 2, էջ 60):

Լեդին ջուր կտրեց, կապ ընկավ լեզուն,
Հարա՛յ կանչելով՝ փախավ տուն ընկավ (հ. 2, էջ 120):

Բացի գոյականներից, ածականները նույնպես կարող են կապակցվել բայ գերադաս անդամի հետ և կազմել բայական դարձվածներ, այս դեպքում ածականի խոսքիմասային իմաստը կարծես շեղոթանում է:

Ածական + բայ կաղապարով դարձվածի օրինակ՝

Տեսե՛լ ես արդյոք այն այգիները,
Ուր իբրև գոհար խաղողն է հասնում,
Որից դառաբկ են նըստում տերերը,
Որ միշտ ցեցերի գըրպանն է լըցնում (հ. 1, էջ 160):

⁸ Ա. Բադեկյան, նշվ. աշխ., էջ 162:

⁴ Ա. Մարդարյան, Հայերենի հարադիր բայերը, Երևան, 1966, էջ 222:

⁵ Նույն տեղում, էջ 225:

Ավելի փոքր թիվ են կազմում մակբայներով, երբեմն էլ կապական բա-
ռերով ու բայով զուգորդող բայական դարձվածները:

Մակբայ + բայ

Եկան քաղեցին՝ թե գոռով տանեն,
Թափ տըվավ մարդկանց գրցեց դես ու դեն (Հ. 2, էջ 107):

Կապ + բայ կամ կապ + կապվող բառ + բայ

Հավաքվում են, շուրջը պարում,
Մեջն են ընկնում խելագար.
Ասում են, թե էն փարվանա
Ջահելներն են սիրավառ (Հ. 1, էջ 296):

Այս ձորերում էր, որ Բազրատունին
Բախտի հետ խաղաց յուր խաղը վերջին (Հ. 2, էջ 320):

Պետք է նկատել, որ Թումանյանի ստեղծագործություններում հանդի-
պում են նաև եռանդամ, քառանդամ բաղադրիչներով բայական դարձվածներ:
Դրանք կարող են լինել երկու համադաս գոյականներ կամ այլ խոսքի մա-
սեր՝ ստորադասված գերադաս անդամ բային կամ էլ գերադաս անդամին
ստորադասված բառը (լրացումը) կարող է ունենալ իր լրացումը՝ գոյական,
ածական, դերանուն և այլն:

էս ոռ տեսավ Մըսրա բանակ,
Ջուր կըտրվեց ան ու վախեց (Հ. 2, էջ 135):
Հույսը հատավ... ու լաց եղավ,
էջջան արավ լաց ու կոծ,
Որ լիճ կըտրեց արտասուքը,
Նածկեց քաղաքն ու ամրոց (Հ. 1, էջ 296):

Այսպես մոլորված հենց վեր եմ կենում,
Ականջըս հանկարծ մի ձայն է ընկնում (Հ. 2, էջ 340):

— Զէ՛, ասավ Մելիք, քու ամբողջ ազգով
Անց պիտի կենաս իմ թրքի տակով (Հ. 2, էջ 104):

Վերջին երկու օրինակներում բայ գերադաս անդամի և դարձվածի մյուս
բաղադրիչների միջև գոյություն ունի ստորադասական հարաբերություն:

Մակբայական դարձվածներ

Մակբայի արժեք ունեցող դարձվածները կառուցվածքային տեսակետից
բազմազան են: Դրանք հանդես են գալիս մակբայներին բնորոշ շարահյուս-
ական բոլոր պաշտոններով, այսինքն կարող են լինել ձևի, ժամանակի,
տեղի, չափի ու քանակի և այլ պարագաներ: Մրանք կազմվում են հետևյալ
կերպ.

1. Գոյականի ուղիղ (նաև թեֆ) հոլովաձևերով՝
Ընկերն էնտեղ դուռը կըտրած,
Աչքը համփին, վիզը ծռած,
Համրում է օրն օրի վրա
Թե՛ մեր ճայը ե՛րբ պիտի գա (Հ. 1, էջ 269):

2. Երկու բայերի գուգորդումով՝

Թե ի՞նչ բան է խեղճ գյուղացուն
Գերի շինել՝ ողջ տարին բուն
Տանել, բերել ու թալանել
Այրու պղինձն աճուրդ անել... (Հ. 2, էջ 94):

3. Կապով և կապվող բառով կազմված կապակցություններով՝

Իմ աչքերն անթարթ ձեր նամիկի վրա—
Հսկել էմ անքուն ես ձեր գործերին (Հ. 1, էջ 143):

Եղանակավորող դարձվածներ

Եղանակավորող դարձվածները եղանակավորում կամ երանգավորում են խոսքը, ասելիքը: Դրանք ունեն հուզարտահայտչական բնույթ ու ճնշող մեծամասնությամբ հարաբերակից են նախադասություններին: Եղանակավորող դարձվածների միջոցով խոսողը արտահայտում է տարբեր վերաբերմունք՝ գոհունակություն, բարեմաղթություն, երգում, ափսոսանք, վարմանք, հանդիմանություն, հեգնանք, արհամարհանք և այլն: Վերախմաստավորված անեծքներն ու օրհնանքները ևս դասվում են եղանակավորող դարձվածների շարքը: Իբրև առանձնահատկություն պետք է նշել, որ մեծ մասամբ եղանակավորող դարձվածների բայ բաղադրիչը դրվում է ըղձակա՛ն եղանակով: Եղանակավորող դարձվածները հանդես են գալիս հետևյալ կառույցներով.

1. Բայ + գոյական և գոյական + բայ

— Հոգե՛մ գրլուխդ, ասավ կրնիկը,
Ո՛վ գիտի՝ Դավիթը ո՛ւր է քեֆ անում...
Դու էլ քեզ համար քու տանը քրնած՝
Ուրիշի համար երազ ես տեսնում (Հ. 2, էջ 129):

Տունըդ ֆանդվի, ա՛յ խանութպան,
Անխիղճ, լիրբ, շար, ֆըլան-ֆըստան,
Ո՞նց թե դու իմ շանը զարկե՛ս,
Դե զարկելը հիմի դու տես... (Հ. 1, էջ 330):

2. Երկու լայականների համակցությամբ, որտեղ գերադաս անդամ գոյականը կարող է ունենալ հոլովման այս կամ այն հարացուցային ձևը, երբեմն էլ կապակցությունը կարող է լրացվել այլ անդամներով:

Հո՛ղն իմ գլխին, պառավն ասավ
Մուկիկի պես մարդն էլ մեռնի՛ (Հ. 1, էջ 594):

3. Դերբայ + բայ և եղանակավորող բառ + դերբայ

Կանգնում է աղջիկն էստեղ նորից նոր,
Պատմում է, ինչ որ պատմեցի մս ձեզ.
Թե՛ ապրած կենաս, ահեղ թագավոր,
Մեր բանը, հապա՛, էսպես ու էսպես... (Հ. 1, էջ 304):

4. ա) Կապ + կապվող բառ

Աչքիս վրա, քեռի Քուշի
Մի գդակ ա, հո մի քուրք չի (Հ. 1, էջ 583):

5. Ածական + գոյական

Բարի աջոդում, ուստա Փիսո,
Գլուխս մըրսեց ի սեր աստծո,
Ա՛ռ էս մորթին ու ինձ համար
Մի գդակ կարի գըլխիս հարմար (Հ. 1, էջ 265):

6. գոյական + բայ + դերանուն

— վա՛յ Դավիթ, ասա՛վ, մանքս տանի քեզ,

Դո՛ւ պետք է էն հոր զավակը լինե՛ս (հ. 2, էջ 111):

Թումանյանի ստեղծագործությունների դարձվածների կառուցվածքային տեսակների քննությունը կարևորություն է ստանում հեղինակի ստեղծագործությունների լեզուն, նրա ժողովրդայնությունն ու արտահայտչականությունը բացահայտելու և գնահատելու տեսակետից:

СТРУКТУРНЫЕ ТИПЫ ФРАЗЕОЛОГИЗМОВ В ПРОИЗВЕДЕНИЯХ ©. ТУМАНЯНА

Н. Г. ОГАНЯН

Р е з ю м е

Фразеологизмы выполняют главную роль в произведениях О. Туманяна, способствуя образности и выразительности его языка.

По структуре используемые в произведениях Туманяна фразеологизмы делятся на четыре группы: номинальный, глагольный, адвербиальный (наречный) и модальный. Особенно часто он обращается к глагольным структурам.